

CONVENIO DE COLABORACIÓN ENTRE A AXENCIA DE TURISMO DE GALICIA E A FEDERACIÓN GALEGA DE MONTAÑISMO PARA UNHA SEGUNDA FASE DE REVISIÓN E POSTA A PUNTO DOS SENDEIROS HOMOLOGADOS NAS PROVINCIAS DE OURENSE E PONTEVEDRA

Santiago de Compostela,

REUNIDOS

Dunha parte, D. José Manuel Merelles Remy, director da Axencia de Turismo de Galicia, en virtude do nomeamento efectuado polo Decreto 75/2024, do 22 de abril (DOG núm. 81, do 24 de abril), e conforme ás facultades que lle confire o apartado dous da disposición adicional segunda do Decreto 135/2024, do 20 de maio, de estrutura orgánica dos órganos superiores e de dirección dependentes da Presidencia da Xunta de Galicia (DOG núm. 101, do 27 de maio), que desconcentra na titular da Dirección da Axencia a competencia para subscribir convenios de colaboración no seu respectivo ámbito competencial, de acordo co previsto no artigo 15.2.c) dos estatutos da Axencia de Turismo de Galicia, aprobados polo Decreto 196/2012, do 27 de setembro (DOG núm. 193, do 9 de outubro).

E doutra, D. Alejandro López Sánchez, actuando en nome e representación da **Federación Galega de Montañismo**, con CIF G36630259, en calidade de presidente no exercicio das facultades atribuídas ao efecto polos seus estatutos federativos.

Interveñen en función dos seus respectivos cargos e no exercicio das facultades que, para convir en nome das entidades que representan, teñen conferidas e,

EXPOÑEN

Primeiro.- Que a Axencia de Turismo de Galicia (**en adiante ATG**), segundo o Decreto 196/2012, do 27 de setembro, polo que se crea a Axencia de Turismo de Galicia e se aproban os seus estatutos, ten como obxectivo, impulsar, coordinar e xestionar a



política autonómica en materia de turismo e, en especial, a promoción e a ordenación do turismo dentro da comunidade. Para lograr esta finalidade a ATG acomete, no ámbito das súas competencias, un decidido apoio á promoción e fomento do sector turístico de Galicia a través daquelas accións que lle permiten acadar os seus obxectivos.

Segundo.- Que a Federación Galega de Montañismo (**en adiante FGM**) constituíuse o 23 de outubro de 1963 baixo a denominación de "Federación Galaica de Montañismo", pasando a chamarse despois "Federación Gallega de Montañismo" e máis tarde "Federación Galega de Montañismo".

A FGM é unha entidade privada, de utilidade pública, sen ánimo de lucro, que goza de personalidade xurídica, patrimonio propio e plena capacidade de obrar para o cumprimento dos seus fins.

Entre os seus fins está difundir o coñecemento das belezas naturais que se atopan no ámbito da montaña, prestando o apoio e a colaboración precisas para a construción e conservación de camiños, sendeiros e refuxios, así como a confección de mapas, guías e monografías, tamén a publicación, realización e organización de revistas, películas, conferencias, etc., e, finalmente, a prestación de servizos a persoas físicas que practiquen o deporte ou a educación física, entre as que se encontra o sendeirismo.

A FGM é a encargada de homologar sendeiros nesta comunidade e toma un papel fundamental en calquera dos pasos da creación dun sendeiro na Comunidade Autónoma Galega, dende o seu deseño ata a súa homologación baixo as marcas rexistradas GR[®], PR[®] ou SL[®]. Conta cun [manual de sendeiros](#) e cunha [normativa de homologación](#) que definen os pasos a dar por parte de promotores, técnicos de sendeiros e, no seu caso, xuíz/a homologador/a. Un dos servizos prestados, polo tanto, é a revisión de sendas e a publicación de sendeiros co fin de poder garantir o correcto desenvolvemento da actividade física e deportiva das persoas que practiquen esta actividade.

Terceiro.- A ATG publica a guía "Sendas para descubrir un país". Esta guía é un catálogo de referencia de aqueles sendeiros que cumpren as condicións de homologación exixidas pola F.E.D.M.E. (Federación Española de Deportes de Montaña e Escalada) no ámbito estatal, ou a F.G.M. (Federación Galega de Montañismo) no ámbito autonómico, e que se axustan á normativa internacional.



O primeiro folleto editado por Turismo de Galicia (Turgalicia daquela) sobre sendas homologadas en Galicia foi no ano 1998. Reeditouse nos anos 2005, 2008, 2014 e 2021, engadindo as novas sendas homologadas pola FGM.

O único interlocutor foi sempre a FGM xa que o folleto recolle exclusivamente as sendas homologadas e a FGM é o único ente que ten capacidade de homologar e supervisar sendas en Galicia.

En cada reedición encargouse a unha empresa por adxudicación directa realizar o traballo de campo das novas sendas homologadas. Este traballo incluía a recollida de datos, a redacción de textos e da información técnica, a reportaxe fotográfica, os perfís altimétricos e a cartografía do percorrido.

Na actualidade Galicia conta con 151 sendas homologadas, que supoñen 1.967,7 km practicables.

Cuarto.-A ATG ten a intención de reeditar o folleto " Sendas para descubrir un país". Unha vez postos en contacto coa Federación Galega de Montañismo para coñecer a listaxe de novas sendas homologadas dende o ano 2021 para incorporar ao novo folleto, a FGM transmite a súa preocupación polas numerosas queixas de usuarios sobre a mala conservación das sendas xa homologadas e propón que sexa a propia FGM a que realice o traballo de supervisión tanto das novas sendas como de todas aquelas que xa aparecen no folleto da ATG.

Tendo en conta o volume de traballo, faise preciso dividir este traballo por fases en función do número de sendas de cada provincia.

Este convenio é a continuación de outro asinado no 2025 coa finalidade de realizar inspeccións a todas as sendas homologadas pola FGM nas provincias de Ourense e Pontevedra e posteriormente emitir os correspondentes informes e certificacións, así como elaborar as fichas de cada sendeiro que se entregarán a ATG co fin de que as persoas usuarias teñan un coñecemento actualizado do estado das sendas e, deste xeito, garantir o uso das mesmas.

O devandito proxecto artículase nos seguintes compoñentes ou accións:



- Facer unha auditoría in situ percorrendo todos e cada un dos sendeiros dos que se teñen constancia na última edición das "Sendas para descubrir un país" (2021)
- Percorrer os sendeiros homologados pola FGM, dende a edición da devandita guía.
- Comunicar e dar un prazo os promotores, de reposición das posibles incidencias para adecuar as rutas as normas internas respectivas da FGM. Unha vez feita e no caso de non corrección das posibles deficiencias, un novo requirimento dará un prazo final para realizar os traballos de posta a punto do percorrido. Se na segunda auditoría as deficiencias non fosen corrixidas, a senda será deshomologada.
- Revisar as posibles accións de reposición e verificar o bo estado dos sendeiros e dalos como favorables ou dar paso a deshomologación e polo tanto a baixa en todos os rexistros públicos posibles

Para cada senda que manteña a homologación, así como para as novas sendas homologadas, o traballo de campo inclúe:

- Medición de sendas: itinerario principal, derivacións e variantes.
- Recollida de datos técnicos.
- Redacción de textos.
- Realización de reportaxe fotográfica cun mínimo de 10 fotografías por senda que recollan os principais atractivos da mesma.
- Elaboración de cartografía propia.
- Elaboración de perfíles altímetros.

Por este motivo resulta de interese público para a ATG a participación e apoio nas accións obxecto do presente convenio. Así mesmo, dada a especialidade do obxecto do convenio, non procede a realización dunha convocatoria pública ao ser a citada Federación a única entidade que pode desenvolver o seu obxecto dada a súa representatividade do sector do deporte e da actividade física na montaña.



En virtude do anteriormente exposto, as partes acordan celebrar este convenio que se rexerá polas seguintes

CLÁUSULAS

Primeira.- Obxecto

Constitúe o obxecto deste convenio o establecemento das condicións para a colaboración entre a ATG e a FGM para o desenvolvemento do proxecto dunha segunda fase de revisión e posta a punto dos sendeiros existentes nas provincias de Ourense e Pontevedra.

O obxectivo será revisar as 37 sendas existentes na provincia de Ourense e 40 en Pontevedra, das 155 que aparecen no folleto existente, antes do prazo de finalización do presente convenio.

As sendas que sexan deshomologadas desaparecerán do folleto promocional e da páxina web de Turismo de Galicia www.turismo.gal

Segunda.- Orzamento e financiamento

O orzamento estimado de gastos relativos ao obxecto descrito na cláusula anterior ascende a 54.940,55 € (sen IVE), co seguinte detalle orzamentario da distribución do traballo:

CONCEPTO	%	IMPORTE
1. Xestións cos entes promotores	5%	2.747,02 €
2. Traballos de campo e reportaxes fotográficas	55%	30.217,31 €
3. Redacción de textos e da información técnica	20%	10.988,11 €
4. Elaboración de cartografía e perfís altimétricos	20%	10.988,11 €
TOTAL	100%	54.940,55 €



Deste orzamento, a ATG financiará as actividades cun importe máximo de 54.940,55 € (sen IVE), con cargo á aplicación orzamentaria 04.A2.761A.640.0, código de proxecto 2013 00004, procedentes dos orzamentos xerais da Comunidade Autónoma de Galicia para o ano 2026.

En todo caso, a achega que fai a ATG para posibilitar a realización das actuacións será dedicada aos gastos de execución do proxecto, e só cubrirá o custo de realización da actividade sen que a FGM obteña beneficio ou lucro industrial algún con dita achega.

Terceira.- Compromiso das partes

1. A FGM comprométese a:
 - Desenvolver as actuacións recollidas na cláusula primeira deste convenio, e que constitúen o seu obxecto.
 - Entregar á ATG todo o material elaborado, en formato dixital, así como todos os documentos e audiovisuais creados durante a súa elaboración (fotos/vídeos de presentación, talleres técnicos, ...) para a súa maquetación e edición do novo folleto "Sendas para descubrir un país".
 - Incluír en toda a documentación e soportes específicos para o evento que se trata dunha actuación con financiamento da Xunta de Galicia a través da Axencia de Turismo de Galicia, incluír a marca Xacobeo 27 de conformidade co Decreto 3/2026, do 26 de xaneiro, polo que se regula a utilización da marca Xacobeo 2027 e a marca "Galicia Calidade" en todas as actividades obxecto do presente convenio de colaboración. Os logos poderán descargarse na seguinte ligazón: <https://www.turismo.gal/marca01>
 - Subministrar á ATG, en virtude do disposto no artigo 4 da Lei 1/2016, do 18 de xaneiro, de transparencia e bo goberno, previo requirimento, toda a información necesaria para o cumprimento pola ATG, das obrigas previstas no Título I da citada lei.
2. A ATG comprométese a colaborar no financiamento do custo das actuacións previstas a través da realización do investimento previsto na cláusula segunda e a colaborar na promoción de ditos produtos turísticos.



Cuarta.- Resultados conxuntos

O diverso material promocional elaborado en desenvolvemento das actuacións previstas neste convenio de colaboración será de uso e titularidade común por ambas partes asinantes.

Así mesmo, calquera dereito de propiedade industrial e intelectual sobre o material que resulte das actuacións do presente convenio será de titularidade conxunta das partes asinantes, de xeito que ningunha poida facer uso dos citados dereitos coa oposición de calquera dos asinantes.

Calquera modificación dos resultados deberá ser autorizada polas partes asinantes. Non obstante, a ATG, no cumprimento dos seus fins institucionais, poderá utilizar libre e gratuitamente os traballos de campo, datos de todo tipo, resultados, análises, informes e conclusións que se deriven das actuacións obxecto do convenio. En todo caso, nas accións de difusión de datos e informes obtidos pola execución destas accións farase sempre referencia ao presente convenio.

Quinta.- Quinta.- Inexistencia de relación laboral

A subscrición do presente convenio non implicará relación laboral ou de calquera outra natureza entre as persoas ou profesionais que desenvolvan as actuacións que constitúen o obxecto do mesmo, de tal xeito que, por este concepto, non se lle poderá esixir responsabilidade ningunha directa nin subsidiaria á Axencia de Turismo de Galicia. As entidades serán as únicas responsables dos custos salariais, incluída a cotización empresarial á Seguridade Social por todos os conceptos.

Sexta.- Dirección técnica, medios humanos e materiais

A FGM, como entidade executora das actuacións recollidas no presente convenio, co obxecto de garantir a súa adecuada execución, comprométese a asumir a dirección técnica, debendo proceder, en consecuencia, á asignación dos medios humanos e materiais que sexan necesarios e, no seu caso, á subcontratación de servizos necesarios para desenvolver as actuacións previstas no presente convenio, podendo subcontratar totalmente as actividades previstas.

Quedan fóra da subcontratación aqueles gastos nos que teña que incurrir a FGM para a realización por si mesma da actividade obxecto deste convenio.

A necesidade da subcontratación estará debidamente motivada pola entidade beneficiaria e, en ningún caso suporá un aumento do custo das actividades.



Os subcontratistas quedarán obrigados soamente ante a FGM, que asumirá a total responsabilidade da execución da actividade subvencionada fronte á administración. A FGM será a responsable de que na execución da actividade concertada con terceiros se respecten os límites establecidos neste convenio en canto á natureza e contía dos gastos e esixiranlles ás entidades subcontratistas os documentos acreditativos dos pagamentos correspondentes. Os subcontratistas están obrigadas/os a lles facilitar aos organismos de auditoría e control toda a información necesaria relativa ás accións subcontratadas.

Na contratación das actividades que faga a FGM, esta debe axustarse á Lei 9/2017, do 8 de novembro, de contratos do sector público, no relativo a criterios de obxectividade e concorrencia e cumprindo os requisitos esixidos na Lei.

A subscrición deste convenio non implicará relación laboral, ou de calquera outra natureza, entre as partes e as persoas ou profesionais que desenvolvan as accións que constitúen o obxecto deste convenio coa ATG, de tal xeito que, por este concepto, non se lle poderá esixir á mencionada entidade responsabilidade ningunha, nin directa nin subsidiaria.

Sétima.- Xustificación e pagamento

A achega prevista na cláusula segunda será librada pola Axencia de Turismo de Galicia previa presentación da xustificación da execución das actuacións desenvolvidas, a través da seguinte documentación:

- a. Memoria explicativa da actividade realizada e acreditación do cumprimento do obxecto do convenio e da publicidade da colaboración da ATG. A memoria debe incluír unha relación das certificacións emitidas pola FGM do estado do sendeiro homologado, así como das certificacións de deshomologacións realizadas dos sendeiros inspeccionados, no caso de que se de esta circunstancia. Neste caso debe indicarse o porqué da deshomologación.
- b. Memoria económica xustificativa do custe das actividades realizadas, que conterá:
 - a. Relación clasificada dos gastos e investimentos da actividade, con identificación do acredor e do documento, o seu importe, data de emisión e data de pagamento.
 - b. Facturas ou documentos de valor probatorio equivalente no tráfico xurídico-mercantil ou con eficacia administrativa incorporados na



relación á que se fai referencia no apartado anterior e a documentación acreditativa do pago.

Non obstante, a documentación establecida nas letras a) e b) deste punto, poderá ser substituída por factura emitida pola entidade á ATG polas actuacións realizadas obxecto de este convenio de colaboración.

- Nos supostos de gastos realizados con medios ou recursos propios, documentos acreditativos dos gastos realizados e a indicación, no seu caso, dos criterios de reparto dos costes xerais e/ou indirectos incorporados na relación á que se fai referencia na letra a).
 - Certificacións de estar ao corrente das súas obrigas tributarias e da seguridade social, e de non ter pendente débedas por ningún concepto coa Xunta de Galicia.
 - Indicación do número de conta para realizar o pagamento xunto coa declaración responsable sobre a súa titularidade.
 - A ATG resérvase o dereito a solicitar toda a documentación que considere precisa en relación coa xustificación do convenio.
1. O prazo para realizar a execución do obxecto do convenio por parte da Federación e para a presentación da citada documentación xustificativa remata o **10 de decembro do ano 2026**.
 2. Se o investimento xustificado fose menor ao previsto no orzamento estimado contido na cláusula segunda deste convenio e sempre que se cumpra coa finalidade, procederá o pagamento que sexa obxecto de xustificación.
Non se entenderá incumplida a obriga de xustificación das actuacións obxecto deste convenio no caso de variacións das contías previstas nas distintas partidas establecidas no orzamento estimado na cláusula segunda, cando obedezan a razóns xustificadas e as actuacións que se levaran a cabo garden relación directa co obxecto do presente convenio.
 3. A documentación correspondente á xustificación presentarase de forma electrónica a través da sede electrónica da Xunta de Galicia (<http://sede.xunta.gal>).

Oitava.- Pagamento

O pagamento por parte da ATG efectuarase de acordo coas súas obrigas de execución segundo o sinalado na cláusula segunda do seguinte xeito:



Establecerase un primeiro pagamento correspondente ao 40% da achega en concepto de pago parcial. Con esta finalidade, a FGM deberá enviar unha factura e un informe que defina o alcance das revisións de sendas homologadas establecidas na cláusula sétima.

A contía restante ata o máximo establecido no convenio, unha vez rematadas as actividades, levarase a cabo unha vez xustificada a totalidade do convenio por parte da entidade, que debe facerse coa entrega, antes do remate do prazo de xustificación, da documentación estipulada na cláusula sétima.

Os traballos realizados pola FGM non serán válidos ata que a ATG dea o seu visto bo definitivo.

Novena.- Comisión de Seguimento

Para o seguimento do convenio e da súa execución créase unha Comisión de Seguimento, que estará integrada por dous representante designados por cada unha das partes asinantes. A comisión será a competente para decidir calquera cuestión sobre a interpretación ou execución do presente convenio.

A súa actuación axustarase ao establecido na Lei 40/2015, do 1 de outubro, de réxime xurídico do sector público, e na Lei 16/2010, do 17 de decembro, de organización e funcionamento da administración xeral e do sector público autonómico de Galicia.

As cuestións litixiosas que poidan xurdir coa interpretación, resolución e efectos do presente convenio serán resoltas pola comisión de seguimento, e en última instancia dirimiranse na xurisdición contencioso-administrativa.

Décima.- Modificación e resolución do convenio

1. As modificacións do convenio adoptaranse por acordo expreso e escrito das partes asinantes, e de acordo cos trámites que esixa a normativa vixente.

Así mesmo, e de conformidade co disposto no artigo 31.4 da Lei 14/2013, do 26 de decembro, de racionalización do sector público autonómico, os convenios subscritos pola Administración xeral da Comunidade Autónoma e as entidades instrumentais do sector público autonómico poderán ser obxecto de modificación cando teñan como finalidade o logro dos obxectivos de estabilidade orzamentaria e sustentabilidade financeira.

2. Serán causas de resolución deste convenio:

- O incumprimento do seu obxecto.



- O incumprimento total ou parcial de calquera das cláusulas que nel se establecen.
- O acordo unánime de tódolos asinantes.
- A decisión xudicial declarativa da nulidade do convenio.

Décimo primeira.- Natureza xurídica, réxime xurídico e xurisdición competente

O presente convenio de colaboración formalízase ao abeiro do disposto na resolución de 8 de abril de 1991 pola que se fai público a acordo do Consello da Xunta de Galicia, do 27 de marzo de 1991, sobre convenios de cooperación con outros entes públicos e con particulares.

Este convenio ten natureza administrativa e queda fóra do ámbito de aplicación da lexislación de contratos das Administracións públicas, segundo dispón o artigo 6.2 da Lei 9/2017, do 8 de novembro, de contratos do sector público, sen prexuízo da aplicación dos principios da citada Lei para resolver as dúbidas e lagoas que puideran presentarse.

Seralle de aplicación o réxime determinado na Lei 39/2015, do 1 de outubro, do procedemento administrativo común das administracións públicas; na Lei 40/2015, do 1 de outubro, de réxime xurídico do sector público, e polas demais normas en dereito administrativo aplicables ou, no seu defecto, polas derivadas do dereito privado.

Décimo segunda.- Publicidade e rexistro do convenio. Consentimento para a publicidade de datos persoais

O réxime de publicidade do convenio será o establecido na Lei 1/2016, do 18 de xaneiro, de transparencia e bo goberno, sobre as obrigacións específicas de información sobre convenios. A sinatura do convenio leva implícita a autorización para o tratamento necesario dos datos e a referida publicidade, incluída tamén a publicidade no Portal de Transparencia e Goberno Aberto.

Segundo o artigo 15 da Lei 1/2016, de 18 de xaneiro, ademais da información que debe facerse pública segundo a normativa básica en materia de transparencia, a Axencia de Turismo de Galicia publicará o texto íntegro do convenio.

Asemade procederase a inscrición do convenio no Rexistro de Convenios, de conformidade co establecido no artigo 5 do Decreto 126/2006, do 20 de xullo, polo que se regula o Rexistro de Convenios da Xunta de Galicia.

Coa sinatura do presente convenio as partes asinantes prestan o seu consentimento para incluír e facer públicos a través do Portal de Transparencia e Goberno Aberto e



do rexistro regulado no Decreto 126/2006, do 20 de xullo, os datos de carácter persoal e mailo resto de especificacións contidas no convenio.

Décimo terceira.- Protección de datos de carácter persoal

1. Tratamento dos datos persoais das persoas asinantes deste convenio.

Os datos persoais dos asinantes deste convenio serán tratados por cada unha das partes co fin de xestionar a súa formalización e desenvolvemento, sendo imprescindible para iso que inclúan os seus datos identificativos, a representación da capacidade que ostenten, e a súa sinatura. A base lexitimadora do tratamento dos datos persoais dos asinantes é o cumprimento dunha misión realizada en interese público baseada na Lei 40/2015, do 1 de outubro, de réxime xurídico do sector público e na necesidade de tratar os devanditos datos para a execución do convenio suscrito. Respecto dos datos persoais sobre os que a Axencia de Turismo de Galicia ostenta a condición de responsable do tratamento, as persoas interesadas poderán solicitar ante esta o acceso, rectificación e supresión, así como opoñerse ao seu tratamento a través da Sede Electrónica da Xunta de Galicia ou nos lugares e rexistros establecidos na normativa reguladora do procedemento administrativo común, segundo se recolle en <https://www.xunta.gal/exercicio-dos-dereitos> . Contacto co/a delegado/a de protección de datos e información adicional en <https://www.xunta.gal/informacion-xeral-proteccion-datos>.

En canto aos datos persoais sobre os que a Federación Galega de Montañismo ostenta a condición de responsable do tratamento, as persoas interesadas poderán solicitar da devandita entidade o acceso, rectificación e supresión dos seus datos, así como opoñerse ao seu tratamento a través do enderezo sinalado no encabezamento do presente convenio.

Así mesmo, as partes garanten o cumprimento do deber de información previsto no artigo 13 do RXPB respecto do persoal ao seu servizo, propio ou alleo, cuxos datos persoais sexan comunicados entre as partes para a execución dos seus compromisos.

2. Roles e responsabilidades na protección de datos persoais.

A Axencia de Turismo de Galicia ostentará a condición de responsable do tratamento dos datos persoais recadados para a xestión e tramitación da subvención obxecto do presente convenio, así como daqueles datos persoais aportados pola entidade beneficiaria para a xustificación da devandita subvención. A base lexitimadora para o tratamento destes datos será o cumprimento dunha misión realizada en interese



público e o cumprimento dunha obrigaón legal (Lei 9/2007, do 13 de xuño, de subvencións de Galicia). Así mesmo, os datos poderán ser comunicados, cando sexa estritamente necesario, a outras Administracións públicas con competencia na materia segundo o especificado no presente convenio. As persoas interesadas poderán solicitar, ante o responsable do tratamento o acceso, rectificación, limitación e supresión dos seus datos, así como opoñerse ao seu tratamento, a través da sede electrónica da Xunta de Galicia ou nos lugares e rexistros establecidos na normativa reguladora do procedemento administrativo común segundo se recolle en <https://www.xunta.gal/es/exercicio-de-dereitos>. Contacto co/a delegado/a de protección de datos e información adicional en <https://www.xunta.gal/es/informacion-xeral-proteccion-datos>.

A Federación Galega de Montañismo comprométese a informar dos extremos anteriores ás persoas cuxos datos achegue á Axencia de Turismo de Galicia para dar cumprimento as referidas finalidades.

As partes asinantes responsabilizaranse de que calquera tratamento de datos persoais que puideran levarse a cabo en virtude do mesmo se realice con absoluto respecto ás normas de seguridade e de conformidade co establecido no Regulamento 2016/679 (UE) Xeral de Protección de datos (en adiante, RXPd), na Lei Orgánica 3/2018, do 5 de decembro, de protección de datos persoais e garantía dos dereitos dixitais (en adiante, LOPDGD) e demais normativa concordante.

Décimo cuarta.- Notificación electrónica

Segundo o artigo 14.2 da Lei 39/2015, do 1 de outubro, do procedemento administrativo común das administracións públicas, os colectivos que están obrigados a relacionarse a través de medios electrónicos coas administracións públicas, e polo tanto, a recibir notificacións por canles electrónicas son: as persoas xurídicas, as entidades sen personalidade xurídica, os colexios profesionais, os que representen un interese que estea obrigado a relacionarse electronicamente coa Administración e os empregados das administracións públicas para os trámites que realicen con elas por razón da súa condición de empregado público.

As notificacións realizaranse só por medios electrónicos a través do Sistema de Notificación Electrónica de Galicia Notifica.gal, <https://notifica.xunta.gal>. Para poder acceder a unha notificación electrónica, o interesado deberá contar cun certificado electrónico asociado ao NIF que figure como destinatario da notificación (persoa física



ou xurídica). Así mesmo, o interesado pode autorizar a calquera outra persoa a acceder ao contido das súas notificacións.

Décimo quinta.- Vixencia

Este convenio entrará en vigor na data da súa sinatura e terá vixencia **ata o 31 de decembro de 2026**.

E en proba de conformidade de canto antecede, asinan dixitalmente este documento no lugar arriba indicado.

Pola Axencia de Turismo de Galicia

Pola FGM

José Manuel Merelles Remy

Alejandro López Sánchez

